

ELKARTEAREN ESTATUTUAK

LEHENENGO KAPITULUA

IZENA ETA LEGE-ARAU BIDEA

1. artikulua.

2004ko uztailaren 7an AS/G/11289 / 2004 erregistro-zenbakiarekin inskribatutako Donostiako GIPUZKOAKO EPILEPSIAREN ELKARTEA (GEE)- ASOCIACION GUIPUZCOANA DE EPILEPSIA (AGE) izeneko elkartearen estatutu hauek aldatu egin dira, Euskadiko Elkarteei buruzko ekainaren 22ko 7/2007 Legean eta Elkartzeko Eskubidea arautzen duen martxoaren 22ko 1/2002 Lege Organikoan ezarritakoaren arabera eta Euskal Herriaren Autonomia Estatutuaren 9. eta 10.13 artikuluetan azaltzen denarekin bat etorriz.

Elkartea arau hauen mende egongo da: elkarteei buruzko legeak, estatutu hauek (legearen aurkakoak ez badira), elkartearen gobernu-organismoek behar bezala hartutako erabakiak (legearen edota estatutuen aurkakoak ez badira) eta Eusko Jaurlaritzak onesten dituen erregelamenduzko xedapenak (azken horiek osagarriak izango dira).

PROPOSATUTAKO XEDEAK

2. artikulua.

Elkartearen **HELBURUAK** honako hauek dira:

- a) Epilepsia duten pertsonen lan- eta gizarte-Integrazioa.
- b) Epilepsia duten pertsonen beharrei erantzuteko beharrezko eta egoki diren osasun-, asistentzia-, hezkuntza-, lan-, bizileku- eta gizarte-zerbitzuen sustapena.
- c) Babes juridikoa.
- d) Eskatzen duten gaixoei eta familiei babes humanitarioa eskaintzea.
- e) Epilepsia duten pertsonen (desgaitasun fisikoa izan edo ez) giza eta gizarte arazoak komunitatean ezagutaraztea.
- f) Institutuzio publiko eta pribatuetan gaixoen izenean horien eskubideak aldarrikatzea.
- g) Gizartean eta administrazioetan kolektibo propio bat bezala aurkeztea, desgaitasuna duten beste kolektibo batzuen eskubide berdinekin onartuak izan daitezen.
- h) Epilepsiaren inguruan lan-arloan dagoen diskriminazioa ezabatzeke beharrezko zereginak gauzatzea, eta kasuen aniztasuna dela-eta, horiek banan-banan tratatzea.
- i) Erakundearen helburuak betetzean zuzenean edo zeharka eragiten duen eta komunitatearen edo epilepsia duten pertsonen mesederako izango den helburu oro.

Aipatu berri diren helburuak betetzeko, aldeztu aurretik ezarritako lege-betebeharrak beteta, **EKINTZA** hauek gauzatuko dira:

- a) Informaziorako, ikerketarako, planifikaziorako, laguntza teknikorako, kudeaketarako, babeserako eta baliabideak lortzeko zerbitzuak sortzea, bai eta egoerek eskatzen dituzten beste zerbitzuak ere.



Nahi izanez gero, J0D0Z-T36VR-1XHS bilagutza elektronikoa, dokumentuaren egiaztasuna ezarri ala ez jakin liteke egoitza elektronikoa honetan: <https://euskadi.eus/localizador>

La autenticidad de este documento puede ser contrastada mediante el localizador J0D0Z-T36VR-1XHS en la sede electrónica <https://euskadi.eus/localizador>

- b) Gaixoen eta familien beharren berri emateko, propagandarako eta zabalkunderako legezko bitarteko guztiak erabiltzea.
- c) Antzeko helburuak dituzten probintziako, autonomiako, estatuko edo nazioarteko federazio, elkarte eta erakunde publiko zein pribatuekin batzea.
- d) Elkartearen helburuak betetzeko boluntarioen laguntza lortzea.
- e) Elkartearen helburuak lortzeko bestelako edozein legezko bitarteko erabiltzea.

Aipatutako ekintzen kalterik gabe, elkarteak helburuak betetzeko honako hauek egin ahalko ditu:

- Mota guztietako jarduera ekonomikoak garatu, helburuak betetzeko edo baliabideak biltzeko.
 - Mota guztietako eta edozein titulutako ondasunak lortu eta eduki, bai eta mota guztietako ekintza eta kontratuak egin ere.
 - Estatutuekin eta legeekin bat datozen mota guztietako ekintzak gauzatzea.

EGOITZA SOZIALA

- 3. artikulua.** Elkartearen egoitza helbide honetan egongo da: Zarategi pasealekua 100, 8. bulegoa, 20015 Donostia, Gipuzkoa.
Elkarteak beste lokal batzuk ere eduki ditzake Autonomia Erkidegoan, Batzar Orokorrak hala erabakitzen badu.

LURRALDE-EREMUA

- 4. artikulua.** Elkarte honek Gipuzkoan gauzatuko ditu bere zereginak.

IRAUPENA ETA IZAERA PEMOKRATIKOA

- 5. artikulua.** Elkartea iraunkorra izateko eratu da, eta VI. kapituluan ezarrita bezala ezohiko Batzar Orokorrean hartutako erabaki bidez baino ezingo da desegin, edo legeetan aurreikusitako arrazoren batengatik.

Elkartearen barne-antolamenduan eta funtzionamendua demokratikoa izango da, eta pluraltasuna erabat errespetatuko da. Erabat baliogabeak izango dira elkartzeko oinarritzko eskubidearen alderdietako edozein betetzen ez duten itunak, estatutuxedapenak eta erabakiak.

BIGARREN KAPITULUA

AGINTE- ETA ADMINISTRAZIO-ORGANOAK

- 6. artikulua.** Elkartearen agintea eta administrazioa kide anitzeko organo hauen esku egongo da:

- Bazkideen Batzar Orokorra, organo goren gisa.
- Zuzendaritza Batzordea, kide anitzeko zuzendaritza-organoa iraunkor gisa.

Batzar Orokorra

7. **artikulua.** Batzar Orokorra bazkide guztiek osatzen dute, eta organo horren bidez adierazten dira bazkideen nahiak.

Batzar Orokorraren ahalmenak:

- a) Elkartearen jarduera-plan orokorra onartzea.
- b) Urteko kontuak eta hurrengo ekitaldiko aurrekontua aztertu eta onartzea,
- c) Zuzendaritza Batzordearen kudeaketa onartzea.
- d) Estatutuak aldatzea.
- e) Elkartea desagitea.
- f) Presidente, idazkaria, diruzaina eta kide anitzeko aginte-organoko gainontzeko kideak, baldin badaude, izendatzea eta kargutik kentzea; eta horiek guztiak ikuskatu eta kontrolatzea.
- g) Beste elkarte batzuekin batera federazioak eta konfederazioak osatzea, edota horietatik ateratzea.
- h) Ondasun higiezinak erabili edo besterentzako erabakiak hartzea.
- i) Aginte-organoko kideei ordaindu egin behar zaien erabakitzea, hala dagokionean.
- j) Ohiko eta ezohiko kuotak ezartzea. Ahalmen hori, hala ere, Batzar Orokorrak aginte-organuari eskuordetu diezaioke horretarako bereziki hartutako erabakiaren bidez.
- k) Bazkideak behin betiko kanporatzeko erabakia hartzea.
- l) Beste organo sozialen bati esleitu gabeko beste edozein eskumen.

8. **artikulua.** Batzar Orokorrak ohiko eta ezohiko bilkurak egingo ditu.

9. **artikulua.** Batzar Orokorrak gutxienez urtean behin egin beharko du ohiko bilkura, 7. artikuluko a), b) eta c) idatz-zatietan zehaztutako erabakiak hartze aldera.

10. **artikulua.** Batzar Orokorra Zuzendaritza Batzordeak erabakitzen duenean bilduko da ezohiko bilkuran, bere ekimenez edo bazkideen %25ek eskatu dutelako. Bilkura eskatzeko arrazoiak eta helburuak azaldu beharko dira, baina, nolanahi ere, honako gai hauek aztertze eta erabakitzeko bilduko da:

- a) Estatutuak aldatzeko.
- b) Elkartea desagiteko.

11. **artikulua.** Batzar Orokorra biltzeko deialdiak idatziz egin behar dira, eta bilkuren tokia, eguna eta ordua adierazi beharko dira, bai eta gai-zerrenda ere, eztabaidatuko diren gaien aipamen zehatzarekin. Deialdia egin denetik gutxienez bost egun pasatu beharko dira bilkura lehen deialdian egiteko. Hala badagokio, bigarren deialdiaren data eta ordua ere adieraz daitezke, Dena dela, deialdi batetik bestera gutxienez ordu erdiko tarte utzi beharko da.

Batzar Orokorrak, ohikoak nahiz ezohikoak, lehenengo deialdian balio osoz eratuta geratuko dira, botoa emateko eskubidea duten elkartekideen herena bertaratzen bada; eta bigarren deialdian, botoa emateko eskubidea duten elkartekideen kopurua edozein dela ere.

Batzar Orokorrak, ohikoak nahiz ezohikoak, bideokonferentziaz egin daitezke, beti ere, bertaratzeko eskubidea duten bazkideek edota horiek ordezkatzeko dituztenek beharrezko gailuak badituzte beren burua identifikatzeko eta ezagutarazteko, partaideak etengabe elkarren artean komunikatzeko eta denbora errealean esku hartzeko eta botoa emateko.

12. **artikulua.** Batzar Orokorren erabakiak gehiengo soiluz hartuko dira, hau da, bertaratuen nahiz ordezkatuak baiezko botoak ezezkoak baino gehiago direnean. Dena den, bertaratutakoen edo ordezkaturakoen gehiengo osoa beharko da (erdia + 1), honako erabaki hauek hartzeko:

- a) Elkartea desegitea.
- b) Estatutuak aldatzea.
- c) Ondasunak erabili edo besterentzea.
- d) Ordezkaritza-organoko kideei ordaintzea.

13. **artikulua.** Bazkideek beste edozein bazkideren esku utzi dezakete Batzar Orokorretara joateko ordezkaritza. Ordezkaritza hori idatziz eman beharko da, eta batzarreko idazkariari eman beharko zaio bilera egin baino lehenago. Elkarrearen egoitza dagoen herritik kanpo bizi diren bazkideek ordezkaritza beste norbaiten esku uzteko agiria postaz bidal dezakete.

Bazkide bakoitzak ezingo ditu bost pertsona baino gehiago ordezkatu.

ZUZENDARITZA BATZORDEA

14. **artikulua.** Zuzendaritza Batzordea Batzar Orokorren xedapen eta zuzentarauei jarraikiz elkarrearen interesak kudeatu eta ordezkatzeko dituen organoa da. Bazkideek baino ezingo dute osatu ordezkaritza-organoa.

Presidentetza
idazkaria
Diruzaina
Bokalak, gehienez 6 bokal.

15. **artikulua.** Zuzendaritza Batzordeko kideren bat bilera horietara bost aldiz jarraian, edo, tarteka bi aldiz agertzen ez bada, dagokion kargua utzi egin beharko du, hutsegite horiek arrazoitzen ez baditu.

16. **artikulua.** Batzar Orokorak hautatuko ditu Zuzendaritza Batzordeko kargudunak. Kargu horiek bost urterako izendatuko dira, Batzordeak berriaz baliogabetu ezean. Kargudun berbera behin eta berriro hautatu ahal izango da.

17. **Artikulua.** Zuzendaritza Batzordeko kide izateko, pertsona fisikoentzat eta horiek ordezkatzeko dituzten pertsona juridikoentzat baldintza hauek bete beharko dira :

- a) Adin nagusikoa izatea, eskubide zibil guztien jabe izatea, eta indarrean dauden legeetan ezarritako bateraezintasun-arrazoirik ez izatea.
- b) Estatutuaren aurreikusitako moduan izendatua izatea.
- c) Elkarreko bazkide izatea.

18. **artikulua.** Zuzendaritza Batzordeko kide izateko, lehendabizi, Batzorde Orokorak izangaia hautatu behar du, eta, gero, izendatu horrek kargua onartu behar du. Zuzendaritza Batzordeko kideen dieta eta gastuak ordaintzea erabaki dezake Batzar Orokorak.

19. **artikulua.**

Zuzendaritza Batzordeko kideek kasu hauetan utziko dituzte karguak:

- a) Agintaldia bukatzen denean.
- b) Dimititzen baldin badute.
- c) Bazkide izateari uzten diotenean, edo kargua betetzeko ezintasun-arrazoiak dituztenean.

- d) Estatu hauetako 16. artikulua aplikatuz, Batzar Orokorrak kargua baliogabetzea erabakitzen duenean.
- e) Hiltzen baldin badira.

Kargua uzteko arrazoia a) idatz-zatian agertzen dena baldin bada, Zuzendaritza Batzordeko kideek jardunean jarraituko dute lehenengo Batzar Orokorra arte. Batzar horretan aukeratuko dira kargudun berriak.

Arrazoia b), c), d) eta e) idatz-zatietan agertzen dena baldin bada, kargua betetzeko norbait behinbehingoz izendatuko du Zuzendaritza Batzordeak, eta Batzar Orokorrak erabakiko du izendapena onetsi ala ez. Ezetsi egiten badu, behar diren kargu-izendapenak egingo ditu.

Organo honen osieran egiten diren aldaketa guztien berri emango zaio Elkartearen Erregistroari.

20. artikulua.

Honako hauek dira Zuzendaritza Batzordearen zereginak:

- a) Elkartearen eguneroko kudeaketaz arduratzea, Batzar Orokorraren jarraibideekin bat etorritik eta haren kontrolpean.
- b) Elkarteak aurrera eramango dituen ekintzen egitaraua egitea.
- c) Gastu eta sarreraren urteko aurrekontua eta aurreko urteko kontuen egoera-orria Batzar Orokorrari aurkeztea, hark onar ditzan.
- d) Batzar Orokorraren bileretako gai-zerrendak egitea eta ohiko nahiz ezohiko Batzar Orokorretarako deialdiak erabakitzea.
- e) Bazkideek egiten dituzten proposamen eta iradokizunei erantzutea eta horien inguruan hartu beharreko neurriak hartzea.
- f) Estatutu hauetako aginduak interpretatzea eta Estatutuaren hutsuneak betetzea, betiere elkartearen inguruan indarrean dauden legeekin bat etorritik.
- g) Batzar Orokorrak berriazko erabakien bidez ematen dizkion eskumenak erabiltzea, betiere haren eskumen eskusibokoak ez badira.

21. artikulua.

Zuzendaritza Batzordearen bilkurak presidenteak erabaki edo batzordekide batek eskatzen duen bakoitzean egingo dira. Bilkurako buru presidentea izango da, eta hura ez balego, presidenteordea; eta horien faltan, batzordekide zaharrena. Batzordeak hartutako erabakiak baliozkoak izateko, biltzen diren batzordekideen gehiengoak aldeko botoa eman behar du. Horretarako, gutxienez batzordekideen kopuruaren erdiak egon beharko du lehen deialdian, edo gehiengo soilak bigarren deialdian.

Idazkariak bilera-aktak egingo ditu eta akta horiek gero dagokion liburuan transkribatuko dira.

Zuzendaritza batzordearen bilkurak bideokonferentzia bidez egin daitezke, beti ere, kideek beharrezko gailu teknikoak badituzte horretarako.

Gailu horiek batzordea osatzen duten kideak ezagutzeko eta identifikatzeko aukera eman behar dute. Baita partaideak etengabe elkarren artean komunikatzeko, esku hartzeko eta bozketa denbora errealean egiteko aukera ere.

Idazkaritzak aktan aipatuko du, Batzar Orokorra aipatutako sistema batean egiten bada, eta batzarra elkartearen egoitzan egin dela ulertuko da.

ZUZENDARITZA BATZORPEKO KARGUAK

PRESIDENTETZA

22. **artikulua.** Presidenteak beregain hartuko du elkartearen legezko ordezkaritza, eta Zuzendaritza Batzordeak eta Batzar Orokorrak hartutako erabakiak gauzatuko ditu.
23. **artikulua.** Presidentearen ahalmenak:
- a) Zuzendaritza Batzordearen eta Batzar Orokorraren bilera-deiak egin, bilerak bukatutzat eman, bileretan sortzen diren eztabaidak bideratu, eta boto berdinketa gertatuz gero, kalitate-botoarekin erabakitzea.
 - b) Elkartearen ekintzen egitasmoa Zuzendaritza Batzordeari proposatzea eta elkartearen zereginak bultzatu eta bideratzea.
 - c) Baliotasunez erabakitako ordainketak egiteko agintzea.
 - d) Sortzen diren premiazko arazoak konpontzea, eta egiten den lehenengo bilkuran Zuzendaritza Batzordeari horren berri ematea.
 - e) Batzar Orokorrak berariazko erabakien bidez ematen dizkion eskumenak erabiltzea, betiere haren eskumen eskusibokoak ez badira.
 - f) Presidente falta bada edo ezin badu kargua bete aldi batean, baita gaixotasun kasuetan ere, presidenteordeak ordezkatzeko du.

PRESIDENTEORDEA (EGONEZ GERO)

24. **artikulua.**

Presidenteordeak presidenteari lagunduko dio, eta presidenteak ezin badu aldi batean bere kargua bete, presidenteordeak ordezkatzeko du. Era berean, presidenteak berariaz eskuordetzen dizkion ahalmen guztiak izango ditu.

IDAZKARIA

25. **artikulua.** Idazkariari dagokio, zehazki, elkartean sartzeko eskabideak jaso eta izapidetzea, fitxategia eta bazkideen erregistro-liburua zaintzea, eta akta-liburuaren zaintzaren eta idazketaren ardura izatea.

Era berean, elkartean arloan indarrean dauden legezko xedapenak betetzeaz arduratuko da, erakundearen agiri ofizialak zainduz, elkarteko liburuen eta artxiboen edukia egiaztatuz eta Zuzendaritza Batzordeko izendapenen eta egoitza sozialaren aldaketen berri emateko egin beharreko jakinarazpenak eginez agintari eskudunari.

DIRUZAINA

26. **artikulua.** Egindako diru-sarrera eta ordainketen berri emango du diruzainak, eta diru-sarrera eta gastuen urteroko aurrekontua eta aurreko urteko kontuen egoera ere jakinaraziko du. Horiek guztiak Zuzendaritza Batzordeari aurkeztu beharko dizkio, eta horrek Batzar Orokorrari, hark onartu ditzan.

BOKALAK

27. **artikulua.**

Zuzendaritza Batzordeko kide gisa, euren karguari dagozkion betebeharrak izango dituzte (elkartearen eguneroko zuzendaritza

eta kudeaketa), bai eta Zuzendaritzak agintzen dizkien beste batzuk ere.

HIRUGARREN KAPITULUA

BAZKIDEAK: ONARTUAK IZATEKO BALDINTZA ETA PROZEDURAK. ETA BAZKIDE-MOTAK

28. artikulua.

Elkartekide izan nahi eta baldintza hauek betetzen dituzten pertsona guztiak izan daitezke elkarteko bazkide:

Adin nagusikoa edo adingabe emantzipatua izatea, norberaren eskubideak erabiltzeko inolako lege-baldintzaren menpe ez egotea eta ebazpen judizial irmoaren bidez eskubideen erabilera mugatuta ez edukitzea.

Pertsona juridikoak direnean, eskumena duen organoak bere baitan hartutako erabaki baliodunaren kopia aurkeztu beharko dute, eta bertan adierazi bai elkartzeko borondatea, bai beren izenean arituko denaren izendapena.

29. artikulua.

Elkartean sartu nahi duenak idatziz aurkeztu beharko du bere eskabidea, presidenteari zuzenduta, Presidenteak eskaeraren berri emango dio Zuzendaritza Batzordeari, eta azken horrek erabakiko du eskabidea egin duena elkartean onartu ala ez. Erabakiaren aurkako gorako errekurtoa jar dakioke Batzar Orokorrari.

BAZKIDEEN ESKUBIDEAK ETA BETEBEHARRAK

30. artikulua. Bazkidetutako pertsona guztiek eskubide hauek dituzte:

- 1) Elkarteei buruzko Legearen edo Estatutuen kontrako erabaki eta jardunak inpugnatzea, inpugnatutako erabakiaren edukia ezagutu duten edo ezagutzeko aukera izan duten egunetik 40 egun naturaleko epean.
- 2) Elkartearen gobernu- eta ordezkaritza-organoen osakeria, elkartearen kontu-egoerari eta elkartearen jarduerari buruzko informazioa jasotzea.
- 3) Elkarteko beste bazkideen nortasuna, diru-sarreraren eta gastuen egoera, eta elkartearen ekintzen garapenaren berri edozein unetan izatea, datu pertsonalak babesteko arautegian aurreikusitako moduan.
- 4) Batzar Orokorretarako deiak jasotzea, Batzar Orokorretara joan eta hitz egin eta botoa emateko eskubidea erabiltzea, eta eskubide hori beste bazkiderekin baten esku utzi ahal izatea.
- 5) Elkartearen Estatutu hauen arabera, elkarteko zuzendaritza-organoei parte hartzea eta organo horietarako hautatzaile nahiz hautagai izatea.
- 6) Indarrean dauden legeetan zehaztutako bazkideen fitxategian agertzea, eta elkartearen ikurra, baldin badu behintzat, erabiltzea.
- 7) Estatutuen eta, egonez gero, barne-araudiaren ale bana edukitzea, eta zuzendaritza-organoei eskakizunak eta kexak aurkezteak.

- 8) Talde-ekintza sozialetan parte hartzea, eta bazkideentzako tresnak erabiltzea (elkartearen egoitza, liburutegiak, eta abar).
- 9) Bazkideari diziplinazko neurriak ezarri aurretik, bazkideak idatziz adierazitakoa kontuan hartzea eta neurri horiek hartzea eragin duten arrazoiei buruzko azalpenak jasotzea. Neurriak hartzeko arrazoiak bazkideei dagozkien betebeharrak ez betetzean soilik oinarritu daitezke.
- 10) Edozein unetan baja ematea. Hala ere, hartu bai baina bete gabe dituzten konpromisoak bete beharko dituzte.

31. artikulua. Hona hemen bazkideen betebeharrak:

- a) Elkartearen helburuekin bat etortzea eta helburu horiek betetzen laguntzea.
- b) Kuotak, derramak eta Estatutuen arabera bazkide bakoitzari dagozkion bestelako ekarpenak ordaintzea.
- c) Estatutuetatik eratorritako bestelako betebeharrak betetzea. Elkarteko zuzendaritza-organismoek baliotasunez hartutako erabakiei men egin eta horiek betetzea.

BAZKIDE IZATEARI UZTEA

32. artikulua. Bazkide izaera honelakoren bat gertatuz gero galduko da:

- 1) Bazkidea hiltzen bada, edo pertsona juridikoen kasuan, desagiten bada.
- 2) Bazkidea bere borondatez joaten bada.
- 3) Zehapenaren bidez joaten bada. Honelako egoeraren bat gertatuz gero: estatutu hauetatik ondorioztatutako betebeharrak modu larri ez betetzea, behin eta berriz, eta nahita, edo gauza bera gertatzea Batzar Orokorrak edo Zuzendaritza Batzordeak hartutako akordio baliodunei dagokienez.

ZIGOR-ARAU BIDEA

33. Artikulua Bazkideek behin eta berriz hausten badituzte Estatutuak edo Batzar Orokorrak nahiz Zuzendaritza Batzordeak hartutako erabakiak, Zuzendaritza Batzordeak bazkide horiek zigortu ahal izango ditu.

15 egunetik hilabetera eskubideak kentzetik hasi eta elkartetik betiko kanporatzera arteko zigorra ezar daiteke, ondorengo artikuluek adierazitako moduan.

Horretarako, zigorgarriak izan daitezkeen jokabideak aztertzeko ikerketa egin dadila erabaki dezake presidentek. Ikerketaren instruktorea idazkaria izango da, eta berak proposatuko dizkio Zuzendaritza Batzordeari hartu beharreko neurriak.

Zigorra ezartzeko ahalmena Zuzendaritza Batzordeak izango du, idazkariak ez du horretan parte-hartzerik izango (instruktorea delako), eta zigorra ezarri aurretik interesdunari entzunaldia eskainiko zaio. Zigortzeko erabakia arrazoitu egin beharko da beti, eta erabaki horren aurkako errekurtsoa jarri ahaliko zaio Batzar Orokorrari.

34. artikulua. Bazkideren batek elkartetik kanporatua izateko moduko ustezko egintzaren bat egiten badu, hau da, Estatutuotatik eratorritako betebeharrak eta Batzar Orokorrak edo Zuzendaritza Batzordeak baliotasunez hartutako erabakietan ezarritako betebeharrak nahita eta larriki behin eta berriz hausten baditu, gertaeren berri izatearren, presidenteak idazkariari agindu diezaioke aurretiazko eginbide zehatz batzuk egin ditzala, behar den informazioa jasotzeko. Eginbide horiek ikusita, presidenteak erabaki dezake jarduerak artxibatzeke agintzea edo elkartetik kanporatzeko zigor-espedienteari hasiera ematea.

35. artikulua. Elkartetik kanporatzeko zigor-espedientea hasten bada, idazkariak, gertakariak egiaztatu ondoren, idatzi bat bidaliko dio interesdunari, leporatzen zaizkion karguen berri emateko. Kargu horiei erantzuteko, interesdunak bere aldeko arrazoiak azaldu ahal izango ditu hamabost eguneko epean. Epe hori amaituta, edonola ere, Zuzendaritza Batzordearen lehenengo bilkurako gai-zerrendan sartuko da kasua, eta batzordeak hartuko du erabakia. Erabakian ez du botorik izango espedienteke instruktorea izan den idazkariak.

Elkartetik behin-behinean kanporatzeko erabakia interesdunari jakinaraziko zaio, eta, era berean, azalduko zaio kanporatua izateko espedientea batzar orokorrera eramango dela, hala badagokio, kanporatua izateko behin betiko erabakia har dezan. Bitartean, Zuzendaritza Batzordeak inputatuari bazkide-eskubideak etetea erabaki ahal izango du, eta Zuzendaritza Batzordeko kide bada, kargu hori utzarazi beharko dio.

Kanporatzeko espedientea ezohiko batzar orokorrari helaraziko zaio. Batzarra ez bada hiru hilabeteen deitzen, soilik horretarako deituko da, Batzordearen erabakia baietsi edo ezeztatu dezan.

Idazkariak espedientearen laburpena egingo du, Zuzendaritza Batzordeak interesdunak aurkeztutako idatziaren eta egintzen berri zehatza Batzar Orokorrari eman ahal izateko, azken horrek dagokion erabakia har dezan.

36. artikulua. Kanporatzeko behin betiko erabakia arrazoitu egin behar da beti, eta erabaki hori interesdunari jakinarazi behar zaio. Interesdunak, eskubideaz baliatuz, auzitegietara jo ahal izango du bere ustez erabakia legearen edo Estatutuen aurkakoa bada.

37. artikulua.

Bazkideren bati kanporaketaren berri ematerakoan —berak nahi izanda edo zigorra ezarri zaiolako— bete gabe dituen betebeharrak bete ditzala eskatuko zaio, hala badagokio.

LAUGARREN KAPITULUA

ONDARE SOZIALA ETA AURREKONTU-ARAUAK

38. artikulua. Elkarrekin ez du ONDARE SOZIALik, ez baitu lokal propiorik oraindik.

39. artikulua. Elkarrekin, gizarte-jarduerak aurrera eramateko, diru-baliabide hauek aurreikusten ditu:

a) Ondare-ekarpenak.

- b) Erabakitzen diren aldizkako kuotak.
- c) Elkartearen ondasun eta eskubideetatik datozen emaitzak eta legez jasotzen dituen diru-laguntzak, legatuak eta dohaintzak.
- d) Zuzendaritza Batzordeak Estatutuen helburuak lortzeko egin beharrekotzat jotzen dituen legezko jardueretatik datozen diru-sarrerak.

Elkarte- eta ekonomia-ekitaldia urtekoa izango da, eta urte bakoitzeko abenduaren 31n itxiko da.

Elkarteak, jarduera ekonomikoak (zerbitzuak ematea barne) gauzatuz lortzen dituen irabaziak elkartearen helburuak betetzeko baino ez dira erabili behar. Inola ere ezingo dira elkartekideen artean banatu, ez eta haien ezkontideen edota haiekin antzeko afektibitate-harremanean bizi diren pertsonen artean eta haien senideen artean ere. Ezingo zaizkie, halaber, irabazteko asmoa duten pertsona juridiko edo fisikoei doan laga.

BOSGARREN KAPITULUA ESTATUTUAK ALDATZEA

40. artikulua. Estatutuak aldatzea propio horretarako deitutako bazkideen ezohiko Batzar Orokorrean erabaki behar da. Zuzendaritza Batzordeak hiru bazkidek ostatutako batzorde-txostengile bat izendatuko du, aldaketa-egitasmoa idazteko. Egitasmo hori Zuzendaritza Batzordeak ezarritako jarraibideen arabera egingo da, eta batzordeak berak jarriko du egitasmoa amaitzeko epea.

41. artikulua.

Aldaketa-egitasmoa epe barruan idatzi eta gero, presidenteak Zuzendaritza Batzordearen hurrengo bilkurako gai-zerrendan sartuko du. Zuzendaritza Batzordeak egitasmoa onartuko du edo, bestela, batzorde-txostengileari utziko dio, berriz azter dezan.

Egitasmoa onartuz gero, Zuzendaritza Batzordeak hurrengo Batzar Orokorreko gai zerrendan sartzea erabakiko du.

42. artikulua. Batzarrerako deiarekin batera, Estatutuetako aldaketen testua bidaliko da, bazkideek egoki iruditzen zaizkien zuzenketak idazkaritzan aurkeztu ahal izateko. Zuzenketa horiek Batzar Orokorrari helaraziko zaizkio, baldin eta batzarra egin baino zortzi egun lehenago jaso badira idazkaritzan.

Zuzenketak banaka nahiz taldeka egin daitezke, idatziz, eta aukerako beste testu bat izan behar dute. Zuzenketak bozkatu ostean, Batzar Orokorrak Estatutuak aldatzeko erabakia hartuko du, eta Elkartearen Erregistro Orokorrean inskribatzen denetik aurrera baino ez du eragina izango hirugarrenengan.

ELKARTEA DESEGITEA ETA ELKARTE-ONDAREAREN ZERTARAKOA

43. artikulua. Elkarte arrazoi hauengatik desegingo da:

1. Bazkideek hala nahi dutelako. Nahi hori horretarako bildutako ezohiko batzar orokorrean azaldu beharko da.
2. Estatutuetan finkatutako epea edo baldintza bete delako.
3. Beste elkarteren batek xurgatu duelako edo beste elkarte batzuekin bat egin duelako.
4. Legez ezarritako gutxieneko bazkide-kopururik ez duelako.
5. Epai irmo batek elkarte desegiteko agintzen duelako.
6. Elkartearen helburuak betetzea ezinezkoa delako.

44. artikulua.

Elkarte deseginez gero, desegiteko erabakia hartu duen ezohiko Batzar Orokorrak Kitapen Batzordea izendatuko dut dagoen diruaz arduratuko dena.

Bazkideekiko eta besteekiko elkarte-betebeharrak bete ondoren, geratzen den elkarte-ondarea, geratzen bada behintzat, irabazi-asmorik gabeko elkarte bati edo irabazi-asmorik gabeko ekimen bati eman beharko zaio.

AZKEN XEPAPENA

Estatutu hauek garatzeko asmoz, Batzar Orokorrak barne-araudia onartu ahal izango du, baina horrek inolaz ere ez ditu Estatutuetako aginduak aldatuko.